



UNIVERSITÄTS-
BIBLIOTHEK
PADERBORN

**Vitæ Sanctorum Sacris per singulos anni dies
Meditationibvs illustratæ**

Paderbornæ, 1697

S. Nicolaus Tolentin. Conf. 10. Septembris.

[urn:nbn:de:hbz:466:1-62968](#)

vel dissimulat, vel tegit si potest vel excusat: Nonne
festucam vides in oculo fratri tui, & in tuo non vides tra-
bem? Castitas quoque cæca est; claudit enim oculos,
ne mors intret per fenestræ.

2. Est cæcitas vituperabilis affectuum amoris &
iræ. Cæcè amamus: nimis multi sunt exoculati Sam-
pfones; Nec prævident suam infamiam, nec anima
ruinam. Excæcant etiam amor consanguineorum &
auri cupido: clama cū cæco. O Domine ut Videam. Luc.
18. Iræ quoquæ affectus obscurat rationem, ut cæco
furore multa agamus: igitur ne statuas quidquam si
iratus fueris. Jam te (inquietabat Architas Tarent)
occiderem nisi iratus essem.

3. Est cæcitas execrabilis peccatorum, qui amis-
so per peccatum lumine divinæ gratiæ tota nocte labo-
rantes nihil capiunt: O quanta cæcitas! Si omnia egero,
& charitatem non habuero nihil sum, & nihil mihi pro-
dest. S. Paul,

S. NICOLAUS TO LENTIN. CONF.

10. Septembris.

*Ego enim didici in quibus sum suffi-
ciens esse. Scio & humiliari, scio &
abundare, & in omnibus institu-
tus sum. Paul. ad Philip. cap. 4.*

Sep.

Septennis NICOLAVS solenne deinceps
 habuit, tres in hebdomade dies, inter-
 que eos illum etiam, quem Virgini dicamus,
 pane cibario & fontanâ victitare. In Canoni-
 corum deinde collegium ascitus, cum illa pro
 concione D. Joannis audisset (*Nolite diligere*
mundum, neq; ea quæ in mundo sunt) quasi uni illi
 dictum esset, exemplò ad eos Anachoretas
 abijt: qui D. Augustinum æmulantur. Ibi
 facile ostendit, quām Mundum Mundique
 omnia odisset. Sacerdos ubi primū litare
 cœpit, è piacularibus flammis umbra adfuit,
 abduxitque ad immania tormentorum erga-
 stula. Ibi simul hæc, simul sociæ umbræ o-
 mnes patronum sibi NICOLAM legerunt;
 pro quibus cum ille ad aram aliquoties dixi-
 set, partem longè maximam à suppliciis absolvit.
 Sub hæc cum eum aliquis à Religionis
 amore abducere & mundo iterum conciliare
 pessimè conciliatus adniteretur, surdum sci-
 licet reperit. At faciles aures invenerunt è
 cœlo vates, qui obitum feliciter NIC-
 LAUM Tolentini cecinerunt. Eò enim ocyus
 abiit, stellæ duce, quæ ibi demum constitit,
 ubi tumulatus postea fuit. Morituro jamjam
 Christus cum Matre & D. Augustino obvius
 venit, cum sex ante mortem mensibus quo-
 tidie

tidie sub noctem Angelorum concentus au-
ditisset, manifesto indicio, quām non lon-
gē à cōelo abesset. *Fx Surio,*

M E D I T A T I O.

*Modus in quolibet vitæ genere
feliciter vivendi.*

1. IN quavocatione vocatus es in ea hilaris permane-
tia, qui suas calamitates fucatæ aliorum felicitati assiduo
comparant. Voluit Deus ut hunc vitæ statum ample-
ctereris. Tua tibi fors placeat: acquiesce Divinæ vo-
luntati: lætare in Domino semper. *Cognovi inquit*
Salomon quod non esset melius nisi latari, & facere bene in
vita sua. Eccles.

2. Ne plura concupiscas aut naturæ aut fortunæ
munera, quām habeas: Deus bonorum est largitus
æquissimus, forsan acutius ingenium, robustius
corpus, pinguis patrimonium exitio tibi fuisset,
non opes, non scientiæ, non dignitates, & alia id
genus vitæ præsentis bona hominem felicem effi-
ciunt, sed possessio Dei, in quo solo sunt vera bona.
Non divitiae, sed Deus felices facit, qui est mentium vera
opulentia. August.

3. Esto contentus tibi concessis in statu gratiæ bo-
nis, neque plura cupias anxi & perturbato animo:
datis utere & Deo feceris satis. In primis ut conten-
tus vivas, memento peccata tua infernum meruisse,
& assiduis fletibus elue delicta tuæ juventutis: nam
vera compunctio gratiam & lætitiam parit, & pœni-

tentiam

tantiam lacrymæ peccatorum voluptatibus sunt longe suaviores.

S. THEODORA POENITENS.

II. Septembris.

*Dico vobis quod ita gaudium erit
in cælo, super uno peccatore pœni-
tentiam agente, quam super no-
naginta novem qui non indigent
pœnitentiâ. Luc. 15. cap.*

Virum an fœminam spectâsse te, Lector
autumas & utrumque, si mihi credis.
Nam fœmina, puto, fuit THEODORA, cùm
lapsa est, vir, cùm surrexit. Id te vita docebit.
Tenebat illa matronas inter Alexandriæ prin-
cipem locum. Sed ex hoc Lena eademque
Venefica turpiter dejecit, cùm quæ sol occi-
dens non spectat scelera, impunè perpetrari
suasit, itaque adulterium persuasit: ac si u-
nū solummodo cœlum oculi haberet & me-
dia etiam in nocte Argus non esset. Vedit ipsa
THEODORA crimē, cùm primū Lux animo
oborta est, & quò ruborē absconderet, cœno-
bio se abdidit utq; viros effugeret, inter viros
virum